



# KHUTBA JUMMAH

HADHRAT MUHYI-UD-DIN AL-KHALIFATULLAH

*Munir Ahmad Azim*

17 Juillet 2015 ~  
(30 Ramadan 1436 Hijri)

**(Résumé Khutba)**

***Après ki li fine salué tous so bane disciples (et tous bane musulmans) entier le monde avec la salutation de paix dans l'islam, Hadhrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite axé so Khutba lors:***

## **LES DEUX FÊTES DE BANE MUSULMANS**

Nous, bane musulmans, ki appartenir à la famille spirituelle de Hazrat Muhammad (saws) et de l'islam nous ena deux fêtes, deux jours de célébrations ki Allah (twf) Li-même fine donne nous comme bane moments de joie et comme ene signe de So l'amour et de So satisfaction pour bane sacrifices ki nous faire avec contentement, par amour pour Li, en tant ki l'accomplissement de So bane commandements divines. Sa deux moments de contentement là zot le *Eid-ul-Fitr* et *Eid-ul-Adha*.

*Eid-ul-Fitr* vini après mois béni de Ramadan, le mois de jeûne (*Roza*) pour l'amour d'Allah avec l'intention pou récolté bane fruits de la proximité d'Allah, kot nous vine près avec Allah et nous appartenir à Li (Allah) de tout cœur et de tout nous l'âme. Quant à *Eid-ul-Adha*, li plus connu comme le plus grand Eid, et li le plus grand célébration parski li conclure bane rites du Hajj et commémore le grand sacrifice de nous ancêtre spirituel et le Prophète d'Allah, Hazrat Ibrahim (as) et son garçon dévoué, le Prophète Hazrat Ismail (as).

Par la grâce d'Allah, après ene mois de Ramadan, nous pé célébrer *Eid-ul-Fitr*, *Insha-Allah*, demain. Sa *Eid* (la Joie) là li vine de l'essence d'Allah et li reflecté la dévotion de sa *Rozédaar* (jeûneur) ki fine sacrifié li et so façon de vivre durant l'ensemble du mois (lunaire) seulement pour l'amour d'Allah, parski le jeûne pendant sa mois béni là ena comme récompense Allah Li-même.

## LE SUNNAT ALLAH CONCERNANT L'AVÈNEMENT D'ENE ÉLU D'ALLAH

Et par la grâce d'Allah (twf), Allah fine faire nous (bane musulmans ahmadis) né musulmans et kot nous appartenir également à la famille et l'identité spirituelle du Messie Promis Hazrat Mirza Ghulam Ahmad (as) ki fine vine lors la terre ena plisse ki 100 ans de cela au tournant d'ene nouveau siècle pour retire bane dimounes de bane ténèbres et pou dirige zot vers la lumière.

Li *Sunnat Allah* (pratique béni de nous *Rab* Tout-Puissant, Allah) ki sak fois ki le message divine original li en danger pou disparaître, c'est-à-dire, kan bane dimounes fine dévié du droit chemin et fine faire zot propres l'âmes vine prisonniers et jette zot (zot-même, zot l'âmes) dans Kasso (prison noir) du *Kufr* (l'infidélité), alors Allah de par So miséricorde extraordinaire, Li démontrer So pitié dans ene façon bien spéciale, kot avant ki Li saizi zot avec So punition puissant, alors Allah choisir pou envoie zot, à sak fois, l'époque après l'époque quelqu'un ki vine de Li pour apporte le message pur de l'islam, le message divine dans so l'authenticité.

C'est ene réalité ki existé depuis le commencement de la création et ki le Quran aussi faire ressortir ki bane ki au pouvoir zot essaye manipule la masse de sorte ki bane dimounes écoute saki bane théologiens (savants) corrompu ena à dire au lieu ki écoute saki bane vrais messagers d'Allah ki vine au monde avec le *Ruh-il-Quddus* (Saint-Esprit) ena pou dire pour avertir l'humanité et pou donne bane bonnes nouvelles de l'approbation et le plaisir d'Allah kan bane ki vine de l'avant, zot accepter la lumière divine ki pé offert zot.

Si bane l'enseignements de l'islam dans so l'ensemble fine tellement manipulé par bane soi-disant théologiens et savants kot Allah fine trouve la nécessité pou envoyer le Messie Promis Hazrat Mirza Ghulam Ahmad (as), alors eski zot pensé ki astère bane dimounes de Jamaat du Messie Promis (as) pou reste aussi dévoué et pure couma dans l'époque ki le *Ruh-il-Quddus* ti encore pé déssane lors le Messie Promis (as), kan li ti encore vivant ?

## EID DE BANE VRAIS CROYANTS DANS L'ÉPOQUE D'ENE MANIFESTATION DIVINE

Bane dimounes constitué ene *Jamaat*, et kan bane dimounes vine corrompu, en particulier bane chefs spirituels et bane chefs ki travaille sous zot (dans tous bane l'endroit et pays), alors eski zot pensé ki Allah pou reste les bras croisés et pas pou envoie de nouvo So Messenger élu pour sauve le navire (*la Communauté*) de So bane vrais prophètes? Eski Li pas pou déssane ene *Eid* pour bane dimounes ki fine choisir pou mette zot confiance en Allah et pou soumettre zot à So volonté en reconnaissant et en acceptant So bane signes et messenger? Ene tel Messenger ki ena le devoir pou sauvegarde l'honneur de So bane élus et pou préserve So bane l'enseignements selon So bane instructions divines ki Li envoyé en formes de bane révélations, vrais rêves et visions?

Mo bane très chers frères et sœurs, ene tel Messenger d'Allah fine vine à zot (dans sa siècle là), pour élève zot spiritualité et solidifié zot relation avec Allah. Un tel Messenger ki fine choisir par Allah Li-même, et non pas par ene groupe dimounes ki fine voté pou faire li vine zot chef! Ena ene grand

différence entre ene Messenger d'Allah couma Quran expliqué et ene leader ordinaire ki fine choisir par bane dimounes ziska l'avènement d'ene Messenger d'Allah, avec le *Ruh-il-Quddus*.

Garde à l'esprit ki le Messie Promis (as) ti conné ki li pas le seul Messie Promis, et ki d'autres messies promis (plisse ki 10,000) pou vini et pou attesté de so véracité et pou continué mission pou dirige l'homme (bane dimounes) de l'obscurité vers à la lumière. Sa bane hommes de Dieu là pou vini par le commandement claire d'Allah, et non pas celui de bane dimounes. Bane dimounes pou rejette zot, mais pas Allah et bane ki vraiment intelligent (bane *Ulul-al Baab*).

## **LA LUMIÈRE POU ÉCRASE TOUZOURS L'OBSCURITÉ PAR LA VOLONTÉ D'ALLAH**

Couma mo fine expliqué dans mo bane Khutba Jummah tout dernièrement, l'époque d'ene Messenger d'Allah li ressemblé à l'époque de bane ténèbres ki percé par la lumière divine ki Allah faire déssane du ciel pour faire bane dimounes sorti de l'obscurité et dirige zot vers la lumière. Bane voiles du mensonge tombé et la lumière de la vérité perce lé ciel et la terre pour rempli zot à la fois avec sa la lumière particulière là. L'avènement de sa la lumière là, de sa messenger d'Allah là li ene *Eid* pour bane ki fine réponne « *Labbaik* » (Ala mo là) à l'appel d'Allah et ki fine donne/sacrifié tout devant Allah. La joie li présent aussi longtemps ki le messenger d'Allah li vivre lors la terre et contigné répandre le message d'Allah tout autour de li. Li servi plusieurs méthodes et moyens pour répanne sa message là afin ki bane dimounes capave recevoir sa avec humilité et contentement, et non pas avec adversité et défiance!

Kan Allah dévoile la vérité à quiconque de So bane serviteurs et béni li et faire de li ene ferme suivant/disciple de So messenger choisi, alors le monde capave vine fou, mais pas le Messenger d'Allah et so bane disciples ! Alors s'il vous plaît médite lors sa bane paroles là et faire duahs. *Insha-Allah*, c'est mo *duah* ki Allah guide zot pou comprend So plan kan Li choisir pou envoie So Messenger choisi, même en présence d'ene Khalifa élu de l'homme. Malheureusement, la majorité de bane dimounes alle prend zot chef élu de l'homme couma zot idole (et donne li plisse l'importance ki Allah et So bane commandements) et même arrivé ki zot élève li au statut de messenger d'Allah par zot mauvais interprétations de bane versets du Quran. En vérité, ena ene monde de différence entre ene messenger élu par Allah et ene leader élu par l'homme. Tous les deux zot bane élu, mais seulement ene de zot porte en li la lumière divine et ena le soutien du *Ruh-il-Quddus*. La masse pou rejette li à l'exception de quelques-uns ziska l'approche de la fin de so mission lors la terre et même après so la mort kot bane voiles ki ti devant liziés de bane dimounes tombé et zot commence trouve plus clairement bane signes et bane manifestations divines à l'appui d'Allah et de So Messenger élu.

Ki Allah enlève tous bane la toiles z'araignée de doutes et d'illusions ki zot capave ena et ki Allah aussi enlève tout la peur ki zot ena au fond de zot lé cœur, kot zot gagne peur ki dimounes pou criyé zot et prend zot comme fou, perdi la tête, péna raisonnement, kan peut-être, seulement peut-être, la vérité fine touffé sous bane couvertures de l'illusion. Si zot pensé ki ou ti mentalement malade et ki zot fine maintenant guéri, alors pas tous bane cas ki lié à la folie ou l'illusions, même si le monde rejette et qualifié le Messenger Élu d'Allah de « fou » (pou lizié

dimounes, li et bane ki fine croire dans li zot fou, mais pas pou Allah ki fine élève So messenger). Sa bane Illusions là zot destiné à disparaître et la vérité du messenger ki fine qualifié de « fou » (par bane dimounes) pou prouvé kan le moment pou vini parski la volonté d'Allah li destiné pou gagne le dessus lors la volonté de bane dimounes (de la masse). *Insha-Allah*. Ki Allah fer bane moments de révélation de la vérité vini à grand vitesse afin ki le monde capave réjouir sans crainte dans la vérité d'Allah, avec bane bénédictions d'Allah. *Insha-Allah*.

## ENE SIGNE DIVINE À LA FIN RAMADAN

Ene de nous bane sœurs (ki ti ene Hindou) ki fine converti, pendant ki li ti pé médité (fer *Zikr*) hier, jeudi 16 Juillet 2015 (29 Ramadan 1436 Hijri) au moment de Namaz Fajr fine recevoir ene révélation et Allah fine faire li comprend ki sa message là li adressé *Sadr Saheba* et so famille (en d'autres mots, le Jamaat Ul Sahih Al Islam). Alors ki li ti pé fer *duah*, nek ene coup, li senti so paupières (la peau lizié) vine lourds et so lizié ti pé fermé tousél, et alors ene coup li entende ene la voix (*la voix divine*) dire sa message là en anglais (pour nous) :

***“On the crucial and memorial day of Eid, you and your family will be fulfilled with barakatein (blessings) over barakatein (blessings). You will never be empty in nothing and will always be full in everything, as the full moon, By the Lord, Allah.”***

**Traduction:** « *En sa jour important et bien respectable/mémorable de Eid, ou et ou famille pou comblé de bane barakatein (bénédictions) lors barakatein (bénédictions). Zot pou zamais vide de nannié et pou touzours rempli de tout, couma la pleine lune, par le Seigneur (Maître), Allah.* »

## SOUHAIT 'EID MUBARAK' & DUAHS

Sur ce, l'heure pé approcher kot Ramadan pé fini et alors mo souhaite à tous mo bane frères, sœurs et zenfants musulmans – bane musulmans Ahmadis, mo bane disciples du Jamaat Ul Sahih Al Islam et tous bane les autres musulmans – ene *Eid Mubarak*. Ki zot la vie de tous les jours vine ene jour de Eid, dans la joie spirituelle ki la manifestation divine fine vine répanne dans zot la vie afin ki l'entraînement commence avec sakaine de zot kan zot soumette à la volonté d'Allah. Kan pou ena soumission, pou ena compréhension, et kan pou ena compréhension de bane façons de faire d'Allah (*Sunnat Allah*), alors sa dimoune là li pou vraiment intelligent celui ki pou conne la différence entre la vérité et le mensonge, entre la lumière d'Allah et bane pièges de bane ténèbres (l'obscurité) ki bane Shaytanes essaye mette dans chemin de bane chercheurs de la vérité et de bane dimounes en général. Heureux bane ki démasqué bane façons de faire de bane Shaytanes et tenir ferme à la vérité ki vine d'Allah arrive saki arrive.